



الخلاصة

(٢٠ سؤال وجواب عن التغذية)

إعداد

ك/ رامز مجدي

مدرب دولي معتمد من ال ISSA





المقدمة

- ❖ لما بدئت في صناعة المحتوى كان عندي هدف واحد وهو اني ازاي اوصل المحتوى بتاعي لأكبر عدد ممكن وبدون تعقيد.
- ❖ عشان كده الهدف من الكتاب ده الاجابة علي اكثر اسئلة بتدور في بالك عن التغذية والتمرين والمكملات بأسلوب بسيط وطرق علمية محدده.
- ❖ لو عايز تاخذ احسن تجربة من الكتاب ده نزل برنامج اسمه Adobe Acrobat عشان كل اللينكات تفتح معاك بسهولة.

الفهرس

- أنشف ولا أضخم؟
- أحسب دهوني أزاي؟
- إزاي أستخدم المازوره؟
- إزاي أحسب سعراتي؟
- أزاي أحسب الماكروز؟
- إزاي أحسب سعرات الأكل؟
- برامج غذائية محسوبة السعرات
- كارب بسيط ولا معقد؟
- الصيام المتقطع بيخسس؟
- إزاي أقاوم الأكل المضر؟
- إيه هو الكيتو دايت؟
- إزاي أكسر ثبات الوزن؟
- إزاي تشرب ميه أكثر؟
- أكل إيه قبل التمرين؟
- مشروب طاقة قبل التمرين؟
- أكل إيه بعد التمرين؟
- إزاي أقاوم الجوع في الدايت؟
- الفرق بين الوجبة الفري والريفيد؟
- إزاي أخذ وجبة فري او ريفيد؟



١- أنشف ولا أضخم؟

❖ بالنسبة للرجال في ٣ احتمالات :


- لو نسبة دهونك اقل من ١٥% تقدر تبدا ضخامة.
- لو نسبة دهونك ١٥% او أكثر يبقى التنشيف أفضل ليك.
- لو نسبة دهونك أعلى من ١٥% بس عضلاتك قليلة اوي (ضخم مؤقتا).

❖ بالنسبة للبنات في احتماليين :

- لو نسبة دهونك ٢٢-٢٤% تقدر تبدي ضخامة.
- لو نسبة دهونك أعلى من ٢٥% الافضل انك تنشفي.

ملحوظة

- التنشيف هو خسارة الدهون بأقل خسارة للعضلات
- الضخامة هو زيادة الكتلة العضلية بأقل زياده للدهون





٢- أحسب دهوني ازاي؟

المرايا




ودي اسهل طريقة تقدر تخمن من شكلك في
المرايا انت نسبة دهونك كام (بالتقريب)

شريط قياس (مازوره)



انا بشوف ان الطريقة دي اكثر دقة من
الانبودي ونسبة الخطأ فيه بتكون أقل

الانبودي



عيب الانبودي انه مش دائما دقيق
فصعب تعتمد عليه طول الوقت



٣- ازاى أستخدّم المازوره؟



موقع حساب نسبة
الدهون من هنا

للبنات

للشباب

US Units **Metric Units** **Other Units**

الجنس → Gender ☐ male ☒ female

السن → Age

الوزن → Weight kg

الطول → Height cm

محيط الرقبة → Neck cm

محيط البطن → Waist cm

محيط الحوض → Hip cm

Calculate **Clear**

Result

Body Fat: 15.7%

15.7%

2% 6% 14% 18% 25%
Essential Athletes Fitness Average Obese

Body Fat (U.S. Navy Method)	15.7%
Body Fat Category	Fitness
Body Fat Mass	11.0 kg
Lean Body Mass	59.0 kg
Ideal Body Fat for Given Age (Jackson & Pollock)	10.5%
Body Fat to Lose to Reach Ideal	3.6 kg
Body Fat (BMI method)	16.1%

US Units **Metric Units** **Other Units**

الجنس → Gender ☒ male ☐ female

السن → Age

الوزن → Weight kg

الطول → Height cm

محيط الرقبة → Neck cm

محيط البطن → Waist cm

Calculate **Clear**

Result

Body Fat: 15.7%

15.7%

2% 6% 14% 18% 25%
Essential Athletes Fitness Average Obese

Body Fat (U.S. Navy Method)	15.7%
Body Fat Category	Fitness
Body Fat Mass	11.0 kg
Lean Body Mass	59.0 kg
Ideal Body Fat for Given Age (Jackson & Pollock)	10.5%
Body Fat to Lose to Reach Ideal	3.6 kg
Body Fat (BMI method)	16.1%



سيدات


دوس هنا
وشوف طريقة
القياس



رجال

٤- ازاي احسب سعراتي؟

تعالى أقولك ازاي تحسب سعراتك لو عايز (تخس - تثبت - تزيد)

زيادة الوزن / الضخامة	ثبات وزن	خسارة الوزن / التنشيف
أضرب وزنك * ٣٥-٣٦ (مثال) يعني لو شخص وزنه ٨٠ كجم يبقى هنضرب ٨٠ كجم * ٣٥ = ٢٨٠٠ سعر حراري / يوميا زود سعراتك تدريجيا من سعرات الثبات عشان متزيدش دهون بسرعة	أضرب وزنك * ٢٩-٣٠ (مثال) يعني لو شخص وزنه ٨٠ كجم يبقى هنضرب ٨٠ كجم * ٣٠ = ٢٤٠٠ سعر حراري / يوميا 	أضرب وزنك * ٢٢-٢٣ (مثال) يعني لو شخص وزنه ٨٠ كجم يبقى هنضرب ٨٠ كجم * ٢٣ = ١٨٤٠ سعر حراري / يوميا قلل عن الرقم ده ١٠٠ سعر حراري لو وزنك ثابت لمدة اسبوعين ورا بعض

٥- ازاي احسب الماكروز؟

الماكروز هيا (البروتين - الدهون - الكربوهيدرات)

الكرب	الدهون	البروتين
 دوس علي الفيديو ده عشان تفهم حساب الكرب و السعرات وباقي الماكروز	<u>أضرب سعراتك اليوميه</u> <u>* ٠,٢٨</u>  (مثال) يعني لو محتاج ١٨٤٠ سعر حراري يوميا يبقي هنضرب $١٨٤٠ * ٠,٢٨ = ٥٢$ جم دهون/ يوميا	<u>لو نسبة دهون الجسم</u> <u>أقل من ٢٥%</u>  <u>أضرب وزن عضلاتك فقط * ٢,٩</u> (مثال) لو شخص وزنه ٨٠ كجم ووزن عضلاته فقط ٥٩ كجم يبقي هنضرب $٥٩ * ٢,٩ = ١٧١$ جم بروتين/ يوميا
		<u>لو نسبة دهون الجسم</u> <u>أقل من ٢٥%</u> <u>أضرب وزنك * ٢,٢ - ٢</u> (مثال) لو شخص وزنه ٨٠ كجم يبقي هنضرب $٨٠ * ٢,٢ = ١٧٦$ جم بروتين/ يوميا



٦- إزاي أحسب الماكروز؟

ولو محتاج شرح اكر هتلاقيني شارحك طريقة حساب السعرات والماكروز بشكل مبسط ومكتوب في البوستات دي



الأحتياج اليومي من الكرب



الإحتياج اليومي من البروتين



الأحتياج اليومي من الدهون




حساب السعرات الحرارية

دوس علي اي بوست فيهم هيوديك علي البوست الاصلي



٧- إزاي أحسب سعرات الأكل؟

بعد معرفت إزاي تحسب احتياجك اليومي من السعرات والماكروز تيجي
الخطوة اللي بعدها إزاي اعرف السعرات اللي موجوده في أكلتي؟



دوس علي الفيديو ده عشان
تعرف إزاي تستخدمه

- ❖ من أكثر البرامج اللي بحبها و بستخدمها باستمرار هو برنامج ماي فيتنس بال
- ❖ البرنامج سهل وتقدر تحسب سعراتك عن طريق مسح الباركود علي المنتجات
- ❖ و ممكن عن طريق انك تدخله وزن الاكل قبل او بعد الطبخ
- ❖ في الفيديو ده بشرحك بالتفصيل تعمل كل ده إزاي
- ❖ وتقدر تحمل البرنامج من علي المتجر من هنا





٨- برامج غذائية جاهزة؟

لو مش حابب تتعب نفسك و تدخل في الحسابات وتفصيلها وعاليز نظام
غذائي سهل وبسيط ومحسوب السعرات وبالجرام برضه عندي الحل

أنظمة غذائية
للتنشيف



أنظمة غذائية
للمضخمة



٩- كارب البسيط ولا معقد؟



❖ الكربوهيدرات البسيطة:

الكربوهيدرات البسيطة هي السكريات التي الجسم ييمتها بسرعة، زي السكر الأبيض والحلويات، وبتخلي مستوى السكر في الدم يطلع وينزل بسرعة ، فبتحس بالجوع بسرعة.



❖ الكربوهيدرات المعقدة:

الكربوهيدرات المعقدة هي النشويات التي الجسم ييهضمها ببطء، زي الخبز الأسمر والشوفان، وبتدي طاقة مستمرة وثابتة لفترة أطول ، فبتحس بالشبع لفترة أطول

باختصار الكربوهيدرات المعقدة تعتبر اختيار صحي أكثر لأنها تتمد الجسم بالطاقة بشكل مستمر ومش بتسبب تقلبات في مستوى السكر في الدم، عكس الكربوهيدرات البسيطة التي بتدي طاقة سريعة بس مؤقتة وبتخلي الواحد يحس بالجوع بسرعة تاني.

١٠- الصيام المتقطع **يخس**؟



❖ **الصيام المتقطع :** هو نظام أكل ينقسم فيه اليوم لفترات صيام وفترات أكل . أشهر طرقه:

- نظام (١٦/٨) : بتصوم ١٦ ساعة وتاكل في ٨ ساعات.
- نظام (٥:٢) : بتاكل عادي ٥ أيام وتقلل الأكل جداً يومين في الأسبوع.

❖ **تأثيره على خسارة الوزن:**

- **تقليل السعرات الحرارية:** الصيام المتقطع يساعدك تقلل الأكل لأن عدد ساعات الأكل يبقى أقل، فبالتالي بتستهلك سعرات حرارية أقل.
- **تحسين حرق الدهون:** الجسم يبدأ يحرق الدهون المخزنة لما ما بيلاقيش مصدر طاقة من الأكل لفترة طويلة.
- **تحكم أفضل في الأنسولين:** فترات الصيام تساعد على تنظيم مستوى الأنسولين في الدم، وده بيقلل تخزين الدهون.

باختصار، الصيام المتقطع يساعدك تخس من خلال تقليل كمية الأكل اللي بتاكلها وتحفيز جسمك على حرق الدهون.

١١- إزاي أقاوم الأكل المضر؟

- **خليك شبعان:** كل وجبات متوازنة فيها بروتين، دهون صحية، وألياف عشان تحس بالشبع لفترة أطول.
- **اشرب مياه كثير:** أحياناً الجسم بيخلط بين العطش والجوع، فشرب المياه بانتظام يساعد يقلل الإحساس بالجوع.
- **خلي الأكل الصحي حواليك:** خلي الفاكهة، المكسرات، والخضار قدامك عشان تلجأ ليهم وقت ما تحس بالجوع بدل ما تعك.
- **دور علي بدائل صحية:** بتحب الحلويات، جرب الفاكهة الطازجة أو الزبادي مع العسل، لو بتحب الشيبسي جرب الفشار.
- **أتحكم في البيئة اللي حواليك:** حاول ما تحتفظش بالأكلات الغير صحية في البيت عشان ما يبقاش متاح بسهولة.
- **اشغل وقتك:** ساعات بنلجأ للأكل بسبب الملل ، حاول تلاقي أنشطة تانية زي القراءة، المشي، أو لعب اي رياضة.



باختصار التحكم في الرغبة في الأكل الغير صحي بيحي من تنظيم الأكل، الشرب الكافي، وتغيير العادات البيئية.

١٢- إيه هو الكيتو دايت؟

❖ **الكيتو دايت :** هو نظام غذائي يعتمد على تقليل الكربوهيدرات بشكل كبير وزيادة الدهون والبروتينات. الهدف هو دخول الجسم في حالة اسمها (الكيتوزيس)، ودي حالة بيبدأ فيها الجسم يحرق الدهون كمصدر رئيسي للطاقة بدل الكربوهيدرات.



5% - CARBS 25% - PROTEIN 70% - FATS

■ تفاصيل الدايت:

- الدهون: حوالي ٧٠-٧٥% من السعرات.
- البروتينات: حوالي ٢٠-٢٥% من السعرات.
- الكربوهيدرات: حوالي ٥-١٠% من السعرات (تقريبًا ٢٠-٥٠ جرام في اليوم).

■ هل هي فعالة؟

- اه الكيتو فعال لخسارة الوزن لأنه يساعد الجسم يحرق الدهون بشكل أسرع ويحسن من حساسية الأنسولين.

■ هل هي آمنة؟

- (مؤقتاً) نعم، لكنها ممكن تكون مش مناسبة لبعض الناس وممكن تكون ليها آثار جانبية زي الصداع، الدوخة، والتعب في البداية (حالة معروفة بـ "أنفلونزا الكيتو").
- (على المدى الطويل) لازم تتابع مع دكتور عشان تتأكد إن جسمك بياخد كل العناصر الغذائية الي محتاجها وما تحصلش أي مشاكل صحية.

باختصار حمية الكيتو ممكن تكون فعالة في خسارة الوزن بس لازم تتبعتها بحذر وتحت إشراف طبي، خاصة لو هتلتزم بيها لفترة طويلة.

١٣- إزاي أكسر ثبات الوزن؟



- **قلل الكربوهيدرات:** قلل كمية الكربوهيدرات البسيطة في نظامك الغذائي وزود الكربوهيدرات المعقدة.
- **زود التمارين:** جرب أنواع جديدة من التمارين أو زود شدة التمرين اللي بتعمله.
- **تابع أكلك:** استخدم تطبيقات أو دفتر لتسجيل كل اللي بتاكله عشان تتأكد إنك مش بتتجاوز احتياجاتك من السعرات.
- **كل بروتين:** زود كمية البروتين في وجباتك عشان يساعدك على الشبع وبناء العضلات.
- **تحكم في التوتر:** جرب تقنيات زي اليوغا أو التأمل لتقليل التوتر اللي بيأثر على عملية الحرق.
- **جرب الصيام المتقطع:** جرب الصيام لفترات محددة خلال اليوم عشان تحفز حرق الدهون.
- **زود الألياف:** كل أطعمة غنية بالألياف زي الفواكه والخضروات لتحسين الهضم وزيادة الشبع.
- **اشرب مياه، قهوة، أو شاي:** السوائل دي بتساعد في زيادة الحرق وتقليل الشهية.
- **نام كويس:** حاول تنام من ٧-٩ ساعات كل ليلة عشان تحافظ على توازن الهرمونات اللي بتأثر على الوزن.
- **متعتمدش على الميزان بس:** راقب تغييرات الجسم بالمقاسات وشكل الجسم لأن العضلات بتأثر على الوزن

١٤- إزاي تشرب ميه أكثر؟

عشان تشرب كمية كافية من المية كل يوم، ممكن تتبع شوية نصايح بسيطة بس فعالة

- خلي زجاجة مية معاك: دايماً خلي معاك زجاجة مية في الشنطة أو على المكتب، وكُل ما تبقى فاضي شوية اشرب منها، كده هتفتكر تشرب بشكل مستمر.
- اشرب كوب مية قبل كل وجبة: قبل ما تأكل أي وجبة، اشرب كوب مية، ده هيساعدك تشرب كمية كافية ويخليك تحس بالشبع بشكل أسرع.
- استخدم التطبيقات أو التذكيرات: فيه تطبيقات كتير تقدر تنزلها على موبايلك وتساعدك تفتكر تشرب مية من خلال إرسال تنبيهات ليك خلال اليوم.
- ضف نكهة للمية: لو مش بتحب طعم المية العادية، ممكن تضيف شرايح من الفاكهة زي الليمون، البرتقال، أو النعناع، ده هيخلي طعمها ألذ ويساعدك تشرب أكثر.
- اشرب مية مع كل فنجان قهوة أو شاي: القهوة والشاي ممكن يسببوا جفاف بسيط للجسم، فلو شربت كوب مية معاهم ده هيوافق التأثير ويعوض نقص الميه.
- ابدأ يومك بكوب مية: أول ما تصحى من النوم، اشرب كوب مية. ده هينعش جسمك ويساعده يبدأ يومه بنشاط.
- كل أطعمة غنية بالمية: الفاكهة والخضار زي الخيار، البطيخ، والفراولة فيها نسبة عالية من المية وبتساهم في ترطيب جسمك.

المية أساسية لكل وظائف الجسم الحيوية، ومهمة للحفاظ على صحة الجلد، الجهاز الهضمي، وكمان للتركيز والطاقة، حاول تلتزم بالنصايح دي عشان تضمن إن جسمك بياخد كمية المية اللي محتاجها يوميًا.



١٥- أكل ايه قبل التمرين ؟

قبل التمرين، لازم تأكل حاجات فيها كاربوهيدرات تتهضم بسرعة وبروتين علشان تقدر تجدد طاقتك وتساعد عضلاتك تستعد للتمرين ، مثال على وجبات مناسبة:



❖ بيضتين مسلوقين مع توست أسمر.

❖ توست وزبده فول سوداني.

❖ شوفان بالحليب وموزة صغيرة.

❖ تونة على خبز أسمر مع طماطم و خس.

❖ رز و صدور فراخ.

❖ زبادي يوناني وفاكهة.

تقدر تاخذ حوالي ٦٠-٣٠ جرام كاربوهيدرات وحوالي ١٠-٢٠ جرام بروتين قبل التمرين، ده يكون كفاية لتزويد جسمك بالطاقة اللي هتحتاجها أثناء التمرين.

١٦- مشروب طاقة قبل التمرين؟

من المشروبات الطبيعية التي يمكن تناولها قبل التمرين وبتفريق جدا في ادائك هو عصير البنجر مع الجنبيل :



❖ المكونات :

- حبة (بنجر) متوسطة مسلوقة أو مشوية.
- قطعة صغيرة من الجنبيل الطازجة (حوالي ١ سم) مقشرة ومبشورة.
- عصير نصف ليمونة.
- ملعقة صغيرة عسل (اختياري للتحلية).
- نصف كوب ماء بارد.

❖ فوائد المشروب ده :

- **البنجر** : يحسن تدفق الدم ويزود الأكسجين في العضلات ويساعد على تحسين الأداء الرياضي.
- **الجنبيل** : يساعد على تقليل الالتهابات وتحسين الهضم.
- **عصير الليمون** : مصدر ممتاز لفيتامين سي ومضادات الأكسدة التي تعزز المناعة.
- **العسل** : يبدي طاقة سريعة ومستدامة وهيخلي مستويات الطاقة افضل .

تقدر تاخذ العصير ده قبل التمرين بحوالي ٣٠-٤٥ د
لتزويد جسمك بالطاقة التي هتحتاجها أثناء التمرين.

١٧- أكل ايه بعد التمرين ؟

بعد التمرين، جسمك يحتاج يعوض الطاقة اللي فقدتها ويبدأ في عملية استشفاء العضلات، الوجبة اللي بتاكلها بعد التمرين لازم تكون متوازنة بين البروتين والكاربوهيدرات.



الكميات اللي هتحتاجها :

- بروتين اضرب وزنك بال كجم * ٠,٣ يعني لو وزنك ٨٠ كجم هتحتاج (٢٤ جم بروتين).
- كارب اضرب وزنك بال كجم * ٠,٨ يعني لو وزنك ٨٠ كجم هتحتاج (٦٤ جم كارب).

الوجبة دي هتديك البروتين اللي بيساعد في بناء وتجديد العضلات والكاربوهيدرات اللي بتساعد في استرجاع الطاقة اللي فقدتها أثناء التمرين مع الأخذ في الاعتبار ان الارقام دي متوسطات وبتتغير حسب هدفك واستجابته جسمك.

١٨- إزاي أقاوم الجوع في الدايت؟



- اختار أطعمة غنية بالبروتين والألياف: البروتين و الألياف بيزيدوا الشعور بالشبع و يساعدوا على تقليل الجوع لفترة أطول.
- قسم وجباتك على مدار اليوم: تناول ٥-٦ وجبات صغيرة يساعد في تثبيت مستوى السكر في الدم ومنع الجوع الحاد.
- اشرب كمية كافية من المياه: شرب المياه يساعد في تقليل الجوع لأن الجسم ساعات يبلخبط بين الجوع والعطش.
- استخدم أكل منخفضة السعرات: الخضروات الورقية والحبوب الكاملة بتملى المعدة بدون إضافة سعرات كثير
- امضغ الأكل ببطء: المضغ البطيء بيدي المخ وقت لإرسال إشارات الشبع، فبتاكل أقل.
- تجنب الكربوهيدرات المكررة: الكربوهيدرات المكررة بتزود الجوع بسرعة، اعتمد على الكربوهيدرات المعقدة.
- خليك مشغول وابتعد عن الأكل العاطفي: اشغل نفسك بنشاطات عشان تتجنب الأكل الناتج عن الملل أو التوتر.
- احصل على نوم كافٍ: النوم الكافي يساعد في توازن الهرمونات المسؤولة عن الجوع والشبع.
- استخدم مكملات طبيعية مساعدة: بعض المكملات زي الكروميوم ممكن تساعد في تقليل الجوع.
- اعرف العوامل النفسية المؤثرة: التحكم في التوتر والقلق بيقلل من الإحساس بالجوع الناتج عن العوامل النفسية.

١٩- الفرق بين الوجبة الفري والريفيد؟

❖ الفرق بين الوجبة الفري و الريفيد:

- **الوجبة الفري :** هي وجبة واحدة خارج نظام الدايت بتاعك، بتسمح لنفسك فيها تاكل أكلات بتشتاق ليها أو عالية السعرات الحرارية. الفكرة منها مش في التزود بالعناصر الغذائية، لكن في كسر الروتين وتلبية رغبة نفسية في الأكل اللي بتحبه. الهدف منها غالباً هو مساعدتك نفسياً على الاستمرار في الدايت.
- **الريفيد :** هو يوم أو فترة محددة بترفع فيها كمية الكربوهيدرات مع تقليل الدهون مع الحفاظ على نفس كمية البروتين. الفكرة من الRefeed هي زيادة مستويات الجليكوجين في العضلات، تحسين الأداء، وتقليل إفراز هرمون "اللبتين"، اللي بيقلل مع الدايت وبيأثر على معدلات الحرق. الهدف الأساسي من ال Refeed هو تحقيق استفادة جسدية وكسر ثبات الوزن.



الفرق بين ال Cheat Meal وال Refeed مهم لأن كل واحد له هدف مختلف في الدايت، ال Cheat Meal بتركز على الجانب النفسي، بينما ال Refeed بيستهدف تحسين الأداء وزيادة معدلات الحرق.

٢٠- إزاي أخذ وجبة فري او ريفيد؟

❖ إزاي تعمل وجبة فري؟

- أختار وجبة واحدة كل ١٠ او ١٤ يوم ، ويفضل تكون بعد تمرين قوي.
- خد وجبة فطار صحية اليوم ده او اعمل صيام متقطع عشان تتجنب زيادة السعرات.
- حاول توازن بين المتعة والاعتدال، يعني استمتع بالأكل اللي بتحبه لكن بدون إفراط.

❖ إزاي تعمل ريفيد؟

- اختار يوم أو يومين في الأسبوع، ويفضل يكونوا أيام متتالية.
- زود كمية الكربوهيدرات بنسبة ٥٠-١٠٠% من الكمية المعتادة في الدايت.
- قلل الدهون في اليوم ده عشان توازن السعرات.
- حافظ على نفس كمية البروتين اللي بتأخذها يومياً.
- ركز على الكربوهيدرات المعقدة زي الشوفان، البطاطا، والأرز البني.





تحويلات العملاء



شوف باقي
التحويلات من هنا






تحويلات العملاء



شوف باقي
التحويلات من هنا





هديتك

- بما انك وصلت لآخر صفحة في الكتاب اتمني اكون فيدتك و استني الاجزاء الجايه من الكتاب اللي هنتكلم فيها عن التمرين والمكملات الغذائية فمتنساش الفولو عشان تتابع اللي جاي .
- كمان عندي هديه ليك / ليكي وهيا خصم ٥٠ % علي الاشتراك لمدة ١٢ اسبوع في الباقة الذهبية او البلاينيوم ولو حابب تستفاد بالخصم والهديه ابعثلي اسكرين شوت للصفحة دي علي الواتس اب



دوس علي علامة الواتس اب
عشان تتواصل معايا مباشرة

